

**DIRECTIE OUDERENZAKEN
A ORGANISA UN CURSO DI
FIRST AID, CPR Y AED PA
CASNAN DI CUIDO**



WWW.SOLODIPUEBLO.COM



SOLODIPUEBLO@GMAIL.COM

A NOMBRA ‘BABA’ HERDE - UN MINISTER SIN VOTO



MAS DI 4 AÑA DI PRISON EXIGI PA GRUPO SOSPECHA DI A TRAFICA LOTE DI COCAINA DEN MOTOR DI ORIENTE

KEN TA BAY TA TRAS DI E CAMARANAN AKI??



NA ALTO VISTA UN CHAUFFEUR A BAHA CAMINDA NA MAN DRECHI DAL RIBA PIEDRA Y BOLTER



#TEAMARU TA CLA PA PA ASU2025



RESUMEN CONSEHONAN DI SER DEN 2023

Sociaal Economische Raad (SER) ta un organo di deliberacion y consejo di gobierno y ta duna consejo independiente na un of mas minister a base di un peticion of ariba propio iniciativa, basa riba investigacion y analysis cu e meta pa señala aspectonan social economico na bienestar di e comunidad di Aruba. Tareanan y e forma di funcionamiento di SER ta stipula den ley.

E consejo of miho bisa na hulandes, e Raad, ta consisti di tres partido igualmente reparti, esta tres representantenan di sindicatonan, tres representantenan di asociacionan di dunadornan di trabou y tres expertonan independiente apuntador di Gobierno. Alaves e Raad ta disponi di un Secretario General, cu ta coordina tur e trabounan necesario. E Secretario General ta dirigi un Secretariado cu ta consisti di funcionarionan academico y cu tin como tarea principal pa acesora e Raad cu tur informacion, data, resultadonan di investigacionan, best practices etcetera, necesario pa por yega na un consejo.

Durante 2023 SER a publica varios adviesrapportnan importante, ocho en total, cu ta trata diferente tema socio-economico. E adviesrapportnan aki ta duna informacion valioso y recomendacionan pa e maneho gubernamental riba terreno socio-economico pa Aruba. A continuacion un resumen di e adviesrapportnan di 2023:

- Problema di obesidad na Aruba: Den e adviesrapport aki SER ta enfoca riba e situacion actual di obesidad na Aruba, como tambe ariba e efectonan economico y preocupacionnan. SER ta enfatisa e necesidad pa medidanan mas estricto y maneho integral/compreensivo pa por contra aresta e problema creciente di

obesidad.

- Ajuste di salario minimo pa 1 di januari 2024: Den e advies aki, SER ta considera tanto e necesidad social como e capacidad economico pa asina evalua e necesidad pa ajusta salario minimo. Basa riba e factornan aki, SER ta duna consejo na gobierno pa aumenta salario minimo cu 4,9%, entrante 1 di januari 2024.

- Creacion di un comunidad mentalmente saludabel: SER ta enfatisa den e adviesrapport aki riba e importancia pa crea un comunidad mentalmente saludabel y riba e rol cu individuonan y comunidad en general cu ambos tin pa logra e meta aki na Aruba. SER ta enfatisa e necesidad di atencion, recurso y accion pa promove y proteha bienestar mental.

- Transicion energetico inclusivo: SER ta trata e tema di un transicion energetico inclusivo na Aruba. SER ta conseha con pa haci e transicion pa fuentenan di energia renovabel accesibel pa tur hende, cu atencion especial na e situacion actual di produccion di energia y uso di energia solar na Aruba.

- Digitalisacion di comunidad: SER ta enfatisa riba e importancia di habilidad digital y e impacto di digitalisacion riba diferente aspecto di bida pa por participa na un manera inclusivo tanto na Aruba como den e mundo actual.

- Cambio den articulo 13 di Landsverordening Minimumlonen: Den e advies aki SER ta bolbe splica especificamente y reitera su argumentacion y motibonan pa cambiamentu den articulo 13 di e Landsverordening Minimumlonen, particularmente relaciona cu e metodo di calculacion y flexibilidad den e percentahe di ajuste di salario minimo.



- Stimula acceso na vivienda adecua, safe y accesibel: E SER adviesrapport aki ta duna un vision general di e situacion actual di vivienda na Aruba y ta enfatisa e rol di diferente entidadnan gubernamental den inspeccion di vivienda, asunto di consumidor, planificacion di infraestructura y trabounan publico. Alaves ta discuti e situacion di AirBnB's y e impacto cu esaki tin riba e mercado di vivienda. E rapport ta termina cu recomendacionnan pa mehora e acceso na vivienda.

- Participacion di adulto mayor den e mercado laboral: Den e advies aki SER ta conseha ariba e participacion di adulto mayor ariba e mercado laboral na Aruba. Siguiendamente por aprecia imagennan di entrega di algun di e SER-adviesrapporten di 2023.

Sr. Norberto Rodrigues (Beleidsadviseur SER), Minister Glenbert Croes, Sr. Felix Bijlhout (Alg. Secretaris SER), Minister Geoffrey Wever y Sr. Tristan Every (voorzitter SER)

Parlamentario Hendrik Tevreden (MEP): A NOMBRA ‘BABA’ HERDE - UN MINISTER SIN VOTO

E pueblo Arubano no tabata cla p’e: despues di e nombramento di sr. Rene “Baba” Herdé como minister di Infraestructura, Energia y Comunicacion, e gobierno AVP-Futuro a perde hopi di e poco confiansa cu tabata keda nan.

E rason? Baba Herdé no tin mandato. No di pueblo, no a base di experiencia, ni di merito. Nan ta bisa cu sr. Herde ta un “vakminister”. Pero kico ta un vakminister berdaderamente? Un vakminister ta un persona cu no ta un politico activo, pero cu tin un conocimiento profundo y a comproba su mes riba e tereno y e ministerio cu e ta wordo nombra pa atende. Por ehempel, un ingeniero pa infraestructura. Un economista pa finansa. Of un medico pa salud publico. Cu tur respet, sr. Baba Herdé ta un docente pensiona cu experticio riba enseñansa. E no tin ni un dia di experiencia riba infraestructura, energia of telecomunicacion. E ora ta logico pa puntra cu si e vocacion di Herdé ta lealtad politico? Pasobra no por pensa otro.

Gobierno AVP-FUTURO no por papia mas di ta transparente

of di ‘good governance’ ora un ministerio cu ta asina strategico pa e bienestar di Aruba ta bay pa un persona sin experiencia, simplemente pa e por tuma ordo tras di cortina di un otro persona. Como gobierno bo no por papia di ta respeta trias politica ora cu sr. Mike de Meza, un parlamentario cu por cierto ta bringando su caso dilanti mesa berde, ta e persona cu segun tur fuente “ta call the shots” tras di cortina pa e cartera di infraestructura y energia di pais Aruba. Unda esunnan cu a bin pa cambia mundo a keda den AVP-FUTURO? Mi no ta scucha nan.

Ki ora bo ta nombra un vakminister?

Un lider politico ta scoge un vakminister den dos caso:

1. Ora e no tin ningun miembro activo cu e capacidad of preparacion pa ocupa e puesto.
2. Ora e tin un persona den su circulo cu conocimiento y experiencia tecnico real pa dirigi e cartera.

Cu tur respet, den ningun di dos caso, esaki ta aplicabel pa sr. Baba Herdé.

Un nombracion pa tapa cos



Tur hende sa cu e nombramento di Baba ta puramente pa rek tempo pa De Meza purba bringa su caso. Esey kiermen Baba tin di sinta den e stoel pa keinta banki, y mira si Mike lo keda cla. Pero nan ta lubida cu casonan similar sa tarda. Paul Croes a tarda 6 año cu su caso. Otmar Oduber 5 año y Benny Sevinger mas cu 4 año y ainda no a caba.

E caso contra Mike de Meza apenas a cuminsa. Pero mientras tanto Eman ta haya man liber si a traves di sr. Herdé pa hinca man den WEB, ELMAR, SETAR pa saca recurso publico y mantene control politico.

Un traicion pa e hobennan di AVP cu si a bay eleccion

Esunnan cu a traha y campaña duru riba promesa di “rejuvenece e

partido y Bolter Cos” cu desapunto ta mira awe un pensionado sin voto wordo nombra y tuma e carteranan mas strategico di nos pais. Un ‘slap in the face’ pa esnan cu a kere den ‘Bolter Cos’ cu a keda te na Wendrick. Rejuvenece partido tawata nada mas cu un promesa bashi pa gana eleccion.


Conclusion

E nombracion di sr. Baba Herdé no ta pa beneficio di e pueblo. No ta pa estabilidad. No ta pa progreso. Ta un maniobra politico di Eman pa tapa un problema legal pa AVP, pa gana tempo y pa hinca man den companianan di utilidad manera tawata den pasado cu green conferences.

For di parlamento nos mester, y lo sigui existi pa gobierno bini cu hende competente riba esnan cu lealtad politico. Y nos ta existi democracia en bes di e manipulacion di Eman. Cu guerra den mundo y un economia cu por cambia ki ora cu ta, nos mester di un lider cu ta gobierna pa e pueblo, no uno cu ta busca pa tapa drama politico di su partido y su candidatonan cu mangel di nos companianan di utilidad y minister sin e experticio necesario

NA ALTO VISTA UN CHAUFFEUR A BABA CAMINDA NA MAN DRECHI DAL RIBA PIEDRA Y BOLTER

Diadomingo atardi a drenta informe di un accidente cu hende herida na Alto Vista, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda e chauffeur di un Nissan March a bay mucho na man drechi baha caminda dal riba un piedra y a bolter. Debi na e impacto e chauffeur a resulta herida. Na yegada di e ambulans nan a atende e victima y a transporte pa hospital.





NoticiadiCorte

MAS DI 4 AÑA DI PRISON EXIGI PA GRUPO SOSPECHA DI A TRAFICA LOTE DI COCAINA DEN MOTOR DI CORIENTE -1-

– Awe mainta Corte di Husticia a trata e caso penal cu Ministerio Publico a cuminsa contra e homber Venezolano J.I. (54) biba na Aruba, su yiu homber G.I. (29), e señora di J.I., G.M. (58), e homber Colombiano G.G. (44) biba na Aruba. E grupo aki ta wordo sospecha di a exporta 27.724 gram di cocaina den un motor di coriente pa Hulanda.

SOLO DI PUEBLO por a compronde cu Fiscal a baha pisa riba e grupo caminda a exigí 58 luna di prison pa e homber G.G. y pa e famia J.I., e dama G.M. y e yiu homber G.I., a exigí 53 luna di prison.

Fiscal ta acusa e grupo aki cu riba 25 Juli 2024 hunto, a exporta un lote di 27.724 gram di cocaina. Fiscal ta haya cu G.M., G.G. y J.I. lo ta involvi den preparacion. G.I. tabatin droga den su poder.

LOTE DI COCAINA DEN MOTOR

Tratamento di e caso aki a dura di mainta te den oranan di merdia. Hues a muestra cu dia 1 Augustus 2024, Douane durante control di un container cu mester a bay Hulanda, a descubri un lote di droga den un motor grandi. E cacho anti droga a reacciona y a bin haya pakinan di cocaina scondi den e motor. En total e droga a pisa 27.724 gram.

Ta sospecha cu G.G. ta involvi den esaki. Hues a muestra cu G.G. no a duna declaracion na Polis. Hues a puntr'e si e ta keda sin papia of awor e kier papia? G.G. a bisa Hues cu awor e ta papia. For di e interrogacion extenso haci di Hues por a compronde cu G.G. a bisa cu e tabata mediator entre un Hulandes, Colombianonan y e homber

J.I. E mester a percura pa e droga ta den e motor cu lo mester wordo manda Hulanda. E plan tabata cu e motor lo wordo manda for di Hulanda pa Aruba y despues lo manda e motor bek Hulanda.

J.I. a bisa cu G.G. a yam'e for di Hulanda cu e mester a busca un motor di coriente. Na Aruba J.I. a bay busca e motor y a hib'e pa G.G. Despues ta resulta cu e motor di coriente su voltage ta 440 Volt cu ta mucho halto. A dicidi cu mester manda e motor bek. Esey tabata e plan pa asina manda e motor bek cu e lote di cocaina.

Sinembargo e plan a fracasa ora cu Douane a contra e container den cual e motor tabata. Cacho anti droga a reacciona y a bin haya e pakinan di cocaina scondi den e motor.

TIRAMENTO DI CULPA RIBA OTRO

Hues a muestra cu J.I. a puntra G.G. si e motor ta carga cu droga y cu mester percura cu no tin droga. J.I. a bisa Hues cu e tabata sospecha, pasobra cu a dicidi di manda e motor bek asina liher. J.I. a sigui bisa cu el a kere palabra di G.G. cu den e motor no tabatin nada y pa manda e motor Douane pa e wordo exporta bek. Segun J.I., e tabata bou menaza. Hues a puntra G.G. con e droganen a wordo hinca den e motor. El a bisa cu ta e Hulandesnan a haci'e. El a bisa cu el a compronde cu ta 20 kilo a wordo hinca. El a haya 20 mil florin y 30 mil florin. El a bisa cu pa e Colombianonan ta mey miyon dollar nan a perde cu e droga no a bay Hulanda. El a bisa cu un homber, un tal U., tabata esun encarga cu e Colombianonan.

Hues a muestra cu via mensahenan di celular

cu Polis a haya, por a compronde cu na dado momento e Colombianonan a rabia y tabata menaza. G.G. a bisa nan cu e tambe ta arma. El a bisa Hues cu el a bisa asina pa muestra nan cu nan no por presion'e.

Hues a muestra cu investigacion ta muestra cu e compania ta riba nomber di G.I. G.I. a bisa Hues cu e compania ta riba su nomber pero e no ta haci nada cu e compania y cu ta su tata J.I. ta maneha e compania. Segun G.I., e compania tin 9 aña andando y nunca tabatin problema. Awor cu J.I. a bay deal cu G.G., a bin problema. Hues a muestra cu tin hende a mira cu G.I. tabata hunto cu su tata ora J.I. a haya e motor. El a bisa cu su tata J.I. a busk'e den Playa cu e pick up pero e no tin nada di haci cu e caso aki. Hues a muestra tambe cu e motor, den cual a haya droga, tabata riba nomber di G.I.


Hues a bisa e dama G.M., señora di J.I. y mama di G.I., cu tabatin combersacion entre G.M., G.G. y J.I. tocante e importacion di e motor. E tabata haya instruccion kico pa haci. E tabata manda mail. Segun G.M., e no a mira e motor y mucho menos sa cu tin droga. El a bisa Hues cu el a confia den G.G. cu lo tabatin un negoshi andando pero awor ta resulta cu tin droga scondi den e motor. El a bisa cu el a mira papelnan tocante e motor pero no sa nada mas. Hues a puntra G.M. cu e no a haya straño cu e ta haya instruccion cu e mester bisa cu e motor ta pa J.I. El a bisa cu e tabata yuda su casa J.I. den e negoshi y tabata haci loke J.I. bis'e pa haci.

Continuacion pag 6

TURISTA DEN AUTO DI HUUR A BIRA NA MAN ROBES SIN A DUNA PREFERENCIA AUTO SU TRAS SIGUIENDO STRET

Diadomingo mainta a drenta informe di un accidente cu hende herida riba Schotlandstraat, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un turista den auto di huur a bay bira na

man robes pa subi tereno priva sin a duna preferencia na e Toyota Vitz su tras. Debi na e impacto e dama den e Vitz a resulta herida. Na yegada di e ambulans nan a atende e dama y a transporte pa hospital.



#TEAMARU TA CLA PA PA ASU2025

Delegacion di atletanan rumbo pa Weganan Panamerican Junior na Asuncion-Paraguay

Despues di un proceso largo di participacion y clasificacion cu ta diferente pa cada deporte, e lista final di atletanan cu ta bay representa Aruba na e weganen Panamericano Junior ASU2025 ta conoci!

#TEAMARU lo tin 12 atleta en total, cu lo participa den 7 diferente disciplina deportivo:

Vela iQFoil : Kaj Rozeboom y Zara Rozenoom

Natacion: Chloe Farro, Avi Tromp, Inald Fernandes Perna, Braynsly

Dirksz

Natacion Artistico: Xiana Hoo, Kendra Siman

Natacion "Open Water": Britta Schwengle

Taekwondo Kyorugi: Maelynn Fradl

Atletismo: Asher Patel (1500m)

Triatlon: Rebecca Jansen

ASU2025 lo cuminsa augustus 9 y lo tin competencia te dia 23 pa Aruba. Sigi nos rednan social pa keda "up to date", como nos lo percursa pa comparti tur informacion y noticia en bibo desde Asuncion! #TEAMARU



DURANTE KEIROMENTO CU BROMMER UN MOTOCICLISTA A SLIP RIBA TERA BAY DAL RIBA CURA



Diadomingo mainta a accidente cu hende herida drenta informe di un na Montaña, mesora a



dirigi tanto polis como ambulans na e sitio.

Na yegada di e patrulla a bin compronde cu na momento di e keiromento a bisa cu mester bira na man robes pero cu tera e caminda di asfalt e motociclista a slip bay dal riba cura di cas y a resulta herida. Na yegada di e ambulans nan a atende e victima y a transporte pa hospital.



MAS DI 4 AÑA DI PRISON EXIGI PA GRUPO SOSPECHA DI A TRAFICA LOTE DI COCAINA DEN MOTOR DI CORIENTE -2-

SERA PA DROGA Y AWOR OTRO CASO DI DROGA

Hues a muestra cu G.G. tin un carichi di castigo. Na Februari 2025, G.G. a wordo condena na 30 luna di prison pa un caso di 700 gram di cocaina den post cu mester a bay Hulanda entre April y Juni 2024. Corte di Husticia a considera G.G. como esun encarga cu e traficacion y cu e no a coopera cu e investigacion.

Relaciona cu e caso actual, ta asina cu famia J.I., G.I. y dama G.M. tin mas o menos 11 luna encarcela.

FISCAL

Fiscal ta haya legalmente proba exportacion di droga. Ta trata di un cargamento grandi di cocaina. Fiscal ta haya cu G.G. a mal usa compania di J.I. pa exporta cocaina pa Hulanda. Fiscal a exigí pa G.G. 58 luna di prison, pa J.I., G.I. y G.M., 53 luna di prison. E celular di J.I. y documentonan relaciona cu e motor, e pick up mester keda confisca. E celular di G.I. por wordo debilbe. E droganan si lo keda confisca. E celular di G.M. mester keda confisca.

Por a ripara cu J.I. no a keda nada contento cu e exigencia di Fiscal. E tabata hopi tristo y a pidi Hues pa laga su señora y su yiu homber liber ya cu nan no tin nada di haci cu e caso aki.

ABOGADO

Mr. J.Tromp a bisa Hues cu Ministerio Publico por a trata e dos casonan penal di G.G. hunto.

El a remarca cu si conta e 30 luna cu G.G. ta sintando cu e 58 luna, ta bira 88 luna di prison. E abogado a enfatisa cu esaki ta exagera y ridiculo. Na opinion di e abogado, door cu G.G. a wordo menaza, e no a papia nada na Polis. Den Corte, G.G. a dicidi di papia. Hues a remarca cu serca dje, si keda keto, esey lo no ta causa cu lo subi castigo. Keda sin papia ta un acusado su derecho y mester respeta esey. Abogado ta haya cu G.G. no tabata esun cu tabata guia. G.G. tabata esun cu a wordo acerca door di Hulandesnan y Colombianonan cu e debe placa di droga. E abogado ta haya cu tur hende tabata sa nan funcion. El a bisa cu no ta G.G. a paga pa e motor bin Aruba sino J.I., kende lo haya su placa bek. E abogado ta haya cu tur hende mester haya e mesun trato. G.G. kier haya castigo husto y no 88 luna en total. E abogado ta haya cu husto lo ta si castiga 12 luna of algo mas. E abogado a muestra Hues riba un sentencia den un caso di 100 kilo, caminda e cabezante a wordo condena na 4 aña di prison. Mr. Mohamed a bisa Hues cu aki ta trata di un famia cu a wordo usa. E mas cu 27 kilo di cocaina tabata scondi den e motor di coriente. Investigacion a muestra cu ta G.G. tabata involvi y a regla e transporte di droga. E abogado a sigui bisa cu e pregunta ta si e famia J.I., G.I. y G.M. tabata sa cu tin droga den e motor. El a bisa Hues cu e compania ta riba number di

G.I. pero e no ta haci nada. Ta e tata J.I. tabata haci tur cos. G.I. tabata sa cu mester manda un motor bek Hulanda. J.I. a pidi G.I. si e kier bay hiba e motor. E abogado a bisa Hues cu G.I. no tin nada di haci cu e importacion di e motor. J.I. y G.M. tabata involvi den esaki y celularnan ta papia pa nan mes. G.I. no tabatin ningun combersacion riba esaki riba whatsapp y tampoco cu G.G. E abogado ta haya cu mester declara G.I. liber di e droga den motor. El a bisa cu G.I. a admiti di tabatin droga cun'e. E abogado a pidi Hues pa laga G.I. liber en espera di decision di Hues riba e caso.

Pa loke ta e motor, J.I. y G.M. tabata coresponde cu G.G. Ta asina cu J.I. y G.M. no tabata sa cu tin droga den e motor cu mester a wordo manda bek. E abogado ta haya cu J.I. y G.M. a wordo usa door di G.G. Abogado a muestra cu ningun caminda ta wordo papia si J.I. y G.M. lo haya pago. Polis a haya den celular di G.G. combersacion cu e e homber U. tocante e motor. Ningun caminda por mira cu J.I. y G.M. a papia cu U. Tambe tin otro combersacion entre G.G. y un dama tocante e motor. No tin ningun prueba cu J.I. y G.M. tabata sa cu tin droga scondi den e motor. E abogado ta haya cu mester declara J.I. y G.M. liber.

Hues a cera tratamento di e caso y a bisa cu dia 11 Augustus 2025 lo tin sentencia.

DIRECTIE OUDERENZAKEN A ORGANISA UN CURSO DI FIRST AID, CPR Y AED PA CASNAN DI CUIDO



Pa sigui reenforza y eleva e calidad di cuido cu ta wordo duna na adultonan mayor den casnan di cuido, Directie Ouderenzaken

a organisa dia 21 y 25 di juni, conhuntamente cu Rode Kruis, un curso di First Aid, CPR y AED pa 50 persona cu actualmente

ta dunando cuido na adultonan mayor den un cas di cuido.

E curso a consisti di dos parti: e parti teoretico y e parti practico. Participantenan a wordo instrui con pa actua den un caso di emergencia serca, entro otro, un adulto mayor. Tur participante awo ta certifica pa 2 aña pa American Red Cross pa por duna prome asistencia



durante di un emergencia.

Directie Ouderenzaken ta duna un danki na Rode

Kruis Aruba y na tur e personal di cuido cu a participa na e curso aki.

HOPI BON TRABAO HACI: LA CABANA A CELEBRA LOGRONAN DI SEGUNDO KWARTAAL



EAGLE BEACH - La Cabana Beach Resort & Casino a celebra logronan di su empleadonan pa loke ta di dos kwartaal den un ceremonia di reconocimiento. Esaki a tuma luga den e ballroom di e resort durante orario di lunch.

Esnan cu a sobresali pa loke ta nan tareanan diario durante di dos kwartaal di aña a haya nan reconocimiento pa medio di hefenan di departamento, gerencia, y tambe nan coleganan. Un pabien ta bay na ganadonan y esnan nomina, Empleado di Lunanan di April, Mei, y juni, Supervisor di dos kwartaal y Team di dos kwartaal: tur esnan nomina y ganadonan di dos kwartaal a haya nan reconocimiento p'e extra esfuerzo cu nan a duna durante April, Mei, y Juni 2025. Nan tur a contribui den e diversion y bienestar di coleganan, bishitantenan, y tambe den loke ta mantencion y update di e facilidad.

Un pabien ta bay na miembronan di e famia di La Cabana pa atrobe un hopi bon trabao haci, anto sigui haci loke boso ta haci pasobra hunto boso ta provee vacacionnan memorabel y felis na nos bishitantenan den un luga cu nan ta sinti safe y semper bon bini. Masha danki pa tur loke boso ta haci y semper haciendo mas di loke ta spera di boso.

E ganadonan pa April: Stephanie Maduro, Food & Beverage; Mei, Frangeline Lugo, Front Office; y Juni, Roger Perez, Engineering. E nominadonan pa April, Sergiomar Croes, Front Office; Daysi Cosme, Food & Beverage; Ainsley Murray, Engineering and Judith Annues, Housekeeping. Tambe nomina pa Mei, Hipolito Reynoso, Food & Beverage; Miguel Martinez, Engineering y Marie Bernier, Housekeeping.

Nominadonan adicional

pa Juni tabata Webby Marcellus, Food & Beverage; Henry Garcia, Pool & Beach; Ricardo Kun, Food & Beverage and Dennis Chery, Housekeeping.

E hotel su 'Supervisor of the 2nd Quarter', Nehomar Tromp, Food & Beverage, a haya su reconocimiento pa su tremendo trabao, banda di otro coleganan Madelyn Maduro, Front Office; Henry Diaz, Human Resources; Sandy Ras, Engineering y Adriana Tromp, Housekeeping. E departamento di Accounting a gana 'Team of the 2nd Quarter', hunto cu e Front Office Supervisory Team como runner up.

Un danki ta bay na e hotel su team di Food & Beverage como tambe e brigada culinario pa e dushi almuerzo y excelente servicio. Pabien ta bay na tur ganado y nominado, boso trabao duro y dedicacion ta realmente briya.

Minister Gerlien Croes: ARUBA, BONEIRO Y CORSOU A FIRMA ACUERDO PA PROTEHA, FORTALECE Y DESAROYA PAPIAMENTO

Oranjestad, 21 juli 2025 – Dialuna ultimo, Aruba tabata cas pa e tres titularnan di Educacion di Aruba, Boneiro y Corsou cu a firma un acuerdo di continuacion pa cooperacion historico enfoca riba nos idioma comun: Papiamento. Presente durante e firmamento hunto Minister di Educacion di Aruba sra. mr. Gerlien Croes, tabata colega Minister di Enseñansa di Corsou sr. Sithree (Cey) van Heydoorn; y Diputado di Boneiro sra. Nina den Heyer. Hunto, nan a reafirma nan compromiso pa traha man den man riba material didactico, metodo di enseñansa, formacion

y profesionalisacion pa maestronan, investigacion linguistico y promocion di uso corecto di Papiamento tanto na scol y den comunidad.

Minister Gerlien Croes a muestra cu e momento ta sumamente importante pa identidad y progreso educacional di e region: “Nos ta asumi un compromiso firme pa inverti tempo, energia y recurso den cooperacion cu reino, pa fortalece nos idioma Papiamento. Minister Gerlien Croes a subraya. Esaki no obstante cualkier sea e maneho di idioma cu cada isla ta escohe pa hiba den educacion.



Minister Gerlien Croes a gradici tur e funcionarionan, ekiponan tecnico y profesionalnan di educacion cu ta coopera, specialmente considerando cu Papiamento ta den presion continuo di otro idiomanan.

Minister ta pone enfasis riba un educacion inclusivo cu por crea ciudadanonan multilingual pero na mes momento ta reconoce e importancia pa sigura cu nos comunidad ta siña y ta forma parti den su propio idioma.

E paso firma awe ta e prome, pero sigur no e ultimo: un grupo di trabou lo sigui cu implementacion di e acuerdo, intercambio di material y un agenda pa profesionalisacion continuo.

KEN TA BAY TA TRAS DI E CAMARANAN AKI??

Douane no tin problema cu camara, pero esnan cu ta bay ta sinta tras di camaranan cu no ta un douane ambtenaar y no sa trabou di douane

Oranjestad: Pa algun dia caba tin un mal comprendemento referente e instalacion di camaranan di seguridad den visitatie ruimte na airport. Sindicato di Douane tabata bon cla referente e camaranan aki. Niun momento e DOUANE AMBTENAARNAN ta contra e camaranan, pero e issue ta ken ta esnan cu ta bay tin acceso na e camaranan aki. Esnan cu ta bay tin acceso na e camaranan aki ta bay ta e security officersnan di AAA. E camaranan a wordo instala den e ruimte unda

ta controla tur pasaheronan, nan maletanan, tasnan etc. y pa ley ta DOUANE Ambtenaarnan so tin e autoridad pa coba den maleta, tas etc. Door di laga hendenan sin bevoegheid sinta tras di camara y via e camaranan, por mira den pertenencianan di hende, ta bira no solamente un invasion di privacidad, pero tambe ta pone e Douane Ambtenaar sinti cu nan seguridad ta coriendo peligro.

Na momento cu un douane ambtenaar gara droga of cualke cos ilicito den un maleta, e security officer tras di e camara, mesora sa ta cua Douane ambtenaar a haye. E security ta bay tin tur informacion y ken nan a gara etc. etc. y es mas



tin e grabacion como un prueba. Esaki sigur ta pone cu e Douane Ambtenaar, mayan su bida lo por core peligro di represaya. E informacion of grabacion aki sali riba caya, sigur lo por cay den mannan robes y ki garantia tin pa e douanero cu esaki no lo sosode. E security officer di AAA, no tin niun bevoegdheid cu un douanero

tin, no a volg e opleiding, no a bay niun les pa por ta envolvi den trabou di un Douane ambtenaar.

Esaki ta e mayor preocupacion pa e douaneronan, camara ta na su lugar, pero e mester keda den man di Cuerpo di Aduana, mescos cu e camaranan di polis ta den man di KPA y no den man di tercero.

UN COLEGA CU WOWO SCERPI DEN SU TRABOU DIAGNOSTICO

HOH SU EMPLEADO DI LUNA DI JUNI TA JOELL LEEST



Mientras cu Joell Leest, analista na Microbiologia tabata den un combersacion cu su teamleider, e team tabata ocupa ta decora y prepara pa dun'e un sorpresa grandi. Joell tabata nervioso pensando cu e

ta laat pa su presentacion, pues ora cu ela habri porta pa drenta e sala ela keda den shock; e no por a kere e sorpresa cu ela topa cune unda cu hasta famia, su yiu y Hunta di Directivo tabata presente. Un dia cu sigur nunca elo lubida y cu

semper e lo ta gradicido na su coleganan pa e sosten pe nominacion aki.

Joell continuamente a demostra di ta un tremendo teamplayer cu semper ta cla pa yuda su coleganan. E ta traha bon den team y ta trece ambiente y alegria den e team cu ta un bon balans durante ora di trabou. Un actitud positivo y un sonrisa Joell nunca falta pero semper cu dedicacion na su trabou cu e ta tuma hopi na serio. Durante e temporada dificil di Corona su energia pa keda positive tabata contagia otro coleganan pa

tambe keda motiva y sigui traha duro y produci pa sigura resultadonan di un manera rapido y sigur.

E ta un colega profesional y proactivo unda cu sigur e pasion cu e tin pe tereno di bacteriologia ta dun'e e drive pa sigui siña, acepta cualkier reto y continuamente mehora pa duna servicio optimal. Su wowo scerpi den su trabou diagnostico cu e ta haci, tin como meta pe pashent beneficia di un diagnostico completo y di calidad.

Team completo di HOH ta contento di tin Joell den

nan team.

E ta motiva, inspira y ta un tremendo ehempel di un colega cu tin un bon balans entre trabou y bida priva. Su compromiso pa un bon diagnosis pa e dokter por atende y trata pashentnan optimal ta un meta cu Hospital ta orguyoso di dje y tur empleado cu ta contribui na eleva e calidad di nos cuida medico na Aruba. Y pa luna di juni, un bunita reconocimiento pa nos colega trahando na departamento di microbiologia di LabHOH Masha pabien Joell!

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen.



Y mientras bida ta sigui su rumbo di ups and downs, di alegria y tristeza, di preto y blanco, di duro y suave y di bunita y mahos, nos ta sigui duna Dios danki pa tur cos. Nos no tin tur cos den nos mesun man y ta sigui acepta cada dia precioso como un regalo di su amor pa nos. Segun mi ya nos muchanan tin vakantie di scol, hopi sigur contento cu nan a bai over y of slaag y varios disapunta cu nan no a haal e anja escolar aki, pa x motibo cu mayoria biaha nan mes sa pakico no. Bo ta hinka tempo den bo estudio of no, ta duna bo resultado bon of menos bon. Pero, manera Lady Ruth como Bubbels den scouting a yega di bisa hopi biaha, no ta tur hende a bin pa bira dokter, no ta tur hende a bin pa bira un meneer of juffrouw di scol, no ta tur hende a bin pa bira un pastor, etc. etc,

Comunidad tin mester di hende tur caminda den tur profesion. Y mas y mas ta scoge pa e trabaonan den hotel, den e ramo di horeca ya cu nos ta biba ariba un isla turistico of den verpleegkunde pa yuda cuida nos grandinan, un di e profesionnan di mas bunita. Traha cu hende y no cu computer of machien. Enfin, muchanan, goza di boso vakantie y corda yuda na cas tambe ! Lady Ruth a hasi conosi cu Nathalie, cu awor ta den e team di Coffee House parti di cushina pa sigui duna un bon servicio cu nan hapjesnan saludabel y dushi banda di e dushi Aruba swing of Caramel frappuccino. Danki lieve Nathalie ! Danki lieve Osdelly, nos cantante di jazz cu su bunita bos unico, cu ya a custumbra cu nos bishita na Coffee House y sa kico nos ta gusta ! Sin

lubida lieve Kitty y Corien, semper atento y contento cu atencion pa tur cliente nobo y cliente fiel di Coffee House. Asina ta tambe e servicio excelente di Djiespies Place, tur dia, pero specialmente ariba Diabierna anochi. Nos a bishita nan happy hour Diabierna ultimo cu e dushi banda Nos cu Nos y a los e heupnan y pianan un crenchi asina cu un dushi wals y despues Lady Ruth a join amiganan Stella, Monica y algun mas den e bailenan di alegria. Cu un saludo pa Hubert y Antonieta, tremendo cantantenan cu curason ! Ach, ainda nos ta hanja falta di Etty Toppenberg y su amigonan den nan repertorio unico varia den varios idioma. Bo tawata hanja e oportunidad di bayla mas hopi den grupo cu awor. Pero ya, algo ta algo, y ta un anochi pa parehanan tambe hanya chens di bayla claro. Nos a topa varios amigo y amiganan conosir y manera ta e custumber y tradishon di nos bon amigo Wim, ela pasa rond den e publico y a saca hopi bunita potret atrobe pa Maria Aruba pone riba facebook.

Contento di por a topa cu amiga Verna, cu Rodney y Aileen y tambe cu Rudolph y Amy. Despues nos a topa tambe cu amiga Monica. Claro cu mas hende, pero nos no ta corda tur e nombernan, si e bunita curason y caranan ! Den e grupo di cabayeronan nos a topa cu Toko Winklaar y Cadochi y a mira sinta tambe Robert Thiel cu tambe ta toca regularmente na e happy hournan di Djiespies Diabierna anochi. Robert cu tin un dushi programa radial na Galactica 99.9 FM den



curason di Dakota tur dia ! Papiando di Dakota, Lady Ruth ta manda un saludo pa amiga Myrianne di Myrianne Mini Market den e edificio bau di Radio Galactica, cu a sinia Lady Ruth ki ora un awacati ta hecho cla pa come.

Hopi great ! Basta biaha nos tawata corta e awacati ora ela putri caba di paden of ora e ta duro duro ainda ! Nunca ta laat pa sinia !!! Un pluimpje tambe pa

e dushi hendenan cu ta traha e dushi snacknan pa Djiespies, entre otro e dushi frekedelnan cu su crenchi pica ! Heerlijk!!! Un “bearhug” pa tur nos lectornan di e columna aki di Ruthy”Lady Ruth” y danki pa tur e bon comentarionan ricibi e siman tray lomba. Spera cu boso goza di esaki tambe ! Pasa un dushi dia yen di sabiduria den nos alegria ! Dios ta bon ! Dios semper ta bon !

Clasificados

Icons: Car, House, Shopping Cart, Briefcase, Wrench, People.

CLASSIFIEDS


SOLODIPUEBLO@GMAIL.COM
CEL. 585 9500

SOLO Di Pueblo

YEGANDO ROTONDE BANDA DI GUARDIAN UN CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI



Diahuebs atardi a drenta informe di un accidente na e rotonde banda di Guardian Group, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu e chauffeur di un Hyundai Santa Fe no a regula su velocidad ni a



mantene distancia a bay dilanti. Afortunadamente ningun hende a resulta herida. dal tras di un Hyundai Accent cu tabata su

Ambulans a bay pa un persona cu ribchi kibra despues di un siman accidenta cu no por a hala rosea facilmente





Diabierna atardi a drenta informe di cu na Palm Beach tin un persona cu problema cu halamento di rosea despues di un siman accidenta, mesora a dirigi un ambulans na e sitio. Na yegada di e ambulans despues di basta rato di a atende e victima y a delibera cu su dokter y a logra alivia e dolornan.

Clasificados

SOLODIPUEBLO@GMAIL.COM
CEL. 585 9500

DAMA CHAUFFEUR A BAY SUBI CAMINDA NET ORA CU AUTO TA BINI Y TA CAUSA UN ACCIDENTE



Diahuebs atardi a drenta informe di un accidente riba Sasakiweg banda di Eagle Resort, mesora a dirigi un patruya na e sitio. Na yegada di e patruya a

bin compronde cu aki ta trata di un accidente unda cu un dama chauffeur di un Chevrolet Spark a bay subi caminda na un crusada y a hala mesora riba

caminda mes net ora cu un Hyundai Creta tabata bini y a bay dal tras di e Spark. Afortunadamente ningun hende a resulta herida.

Directora Joselin Croes na 4Daagse di Nijmegen



Den Haag - Directora Joselin Croes a presencia e ultimo dia di Vier Daagse di Nijmegen como invitado special di Stichting 4Daagse di Nijmegen. Esaki ta e di 107 edicion di e 4Daagse di Nijmegen.

For di e VIP-tribuna

señora Croes por a mira e grupo di participantenan di e 4Daagse canando nan ultimo meternan riba e "Via Gladiola" pa yega final di e vierdaagse. Esaki acompaña cu hopi musica y centenares di bishitante canto di caminda apoyando e participantenan. Dos


banda tabata zorg pa musica, mientras den e vierdaagse mes tabata tin gruponan di fanfaria militar, di polis y di Post NL for di Hulanda y tambe fanfarianan for di otro paisnan, manera Inglatera y Suecia.

Na e sitio aki Joselin Croes tabata tin e oportunidad pa saluda algun Arubiano cu tambe a cana e vierdaagse, manera ta e caso di Gleny Yarzagaray a cana pa 37 biaha e Vierdaagse y Margarita Flanders cu e aña aki a cana e vierdaagse pa di 27 biaha. Tambe Joselin a topa cu Rambo Flanegin y Zuly Croes.

E aña aki atrobe un grupo di duaneronan Arubiano a participa hunto cu Douane Nederland.



CHAUFFEUR BURACHI A SUBI ROTONDE SIN DUNA PREFERENCIA NA AUTO DI FAMIA, TUR E 5 NAN DEN E AUTO A RESULTA HERIDA



Diasabra anochi a drenta informe di un accidente cu hende herida na e rotonde banda di Acero na Tanki Leendert, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un chauffeur

burachi den un Nissan ZX a subi e rotonde sin a duna un auto di famia cu 5 hende aden preferencia y tur esnan den e auto ey a resulta herida. Debi na e impacto e auto a bira casi 180 grado. Mirando e cantidad di heridos a pidi pa 3 ambulans pa atende tur e heridonan. Mientras

e chauffeur burachi lo a bay sconde den e bar den cercania pero polis a bay busk’e eynan y a detene pa a core auto bao influencia y causa accidente cu hendenan herida. Na yegada di e ambulans nan a atende e heridonan y a transporta nan pa hospital.

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

LIDERNAN MUNDIAL DI CIENCIA DI LAMAN A REUNI NA PARÍS PA E DI 33 ASAMBLEA DI IOC DI UNESCO



Oranjestad – E di 33 Asamblea di e Comision Oceanografico Intergubernamental (IOC) di UNESCO a tuma luga na e sede di UNESCO na Paris, caminda paisnan miembro, cientificonan, y organisacionnan asocia a reuni pa fortifica cooperacion internacional den ciencia di lama y gobernacion sostenible. Di 25 di juni te 3 di juli 2025, e sesion a evalua e situacion actual di conocimiento oceanico global, aproba strategia nobo pa sostene e lama, y a revisa e periodo medio di e Decena di Ciencia pa Desaroyo Sostenible di Lama (2021–2030). E Asamblea tambe a inclui

Dia di Ciencia di Lama 2025, cu a enfoka riba “Solucionnan di lama pa mitiga cambio climatico.” Durante e asamblea, paisnan a enfatisa e necesidad urgente pa un solucion ariba base cientifico pa enfrenta cambio climatico, perdida di biodiversidad y peligernan marino. Decisionnan clave a enfoka riba fortalecimiento di e sistema di observacion di lama, sosten pa islanan chikito den desaroyo (SIDS), ampliacion di sistema di alerta tempran, fortificacion di capacidad local, y promocion di alfabetisacion oceanico mundialmente. Varios avance cientifico importante a resalta, manera e mapeo continuo di fondo di lama via e programa Seabed 2030. E aumento di datos den e databank di biodiversidad marino (OBIS), y e uzo di hermentnan nobo pa monitorea olanan di calor maritimo y florecemento dañino di alga. A pone enfasis riba inclusion y acceso

igual na conocimiento oceanico. Paisnan a reafirma e importancia di e Estrategia di Desaroyo di Capacitat di IOC (2023–2030), y a resalta esfuersonan pa amplia e centro di entrenamiento regional y pa stimula participacion publico pa forma un comunidad cu ta conciente y cu ta compromete cu proteccion di lama.

Spotlight Regional: Progresoden coordinacion di iniciativanan di lama den caribe Durante e asamblea, progreso riba nivel regional (Africa, Caribe, India, Pacifico) tabata un punto importante. Dr. Marck Oduber Presidente di e Subcomision di IOC pa Caribe y paisnan cercano (IOCARIBE), a presenta e logronan den region Caribense. Dr. Oduber a enfatisa e progreso den coordinacion regional bou di e Decena di Lama, integracion di sistema di dato oceanico, expansion di alfabetisacion di lama (incluso via e Red Caribe di Scolnan Blauw) y



programa di desaroyo di capacidad dirigi pa e necesidadnan di paisnan chikito Caribense den desaroyo. Por remarca tambe cu den 2025 Antigua y Barbuda a bira e di 152 pais miembro di IOC/UNESCO.

E modelo inclusivo di IOCARIBE cu ta inclui participacion di hoben y posibilidad pa paisnan chikito den desaroyo nombra nan propio Punto Focal di Decena Oceanico ora no por forma un

comision, a resalta como un ehempel bon pa implementacion regional. Durante e conferencia Reinado tambe a menciona logronan den Reino relaciona cu ciencia di lama, incluyendo e comision di Decena Oceanico di Reinado cu ta inclui 6 isla, aumento di scolnan cu ta promove ciencia di lama den Reino, y estudionan y lasonan entre e parti di reino na Europa cu esun den Caribe relaciona cu lama.



Clasificados

SOLODIPUEBLO@GMAIL.COM
CEL. 585 9500

Accidente di pelicula ora un auto kier a drenta dilanti di un pick-up riba e “fastlane” !



Dialuna merdia a drenta informe di un accidente cu hende herida y pega den auto riba E.J. “Watty” Vos Blvd. panort di Madiki,

mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda

e chauffeur di un Hyundai Atos coriendo cu velocidad halto pa no a dal tras di e auto banda drechi a bay pasa un pick-up banda drechi y drenta paden e banda robes ye pickup a dal e bir’e y mande riba e “median” dal palo di lus y bolbe dal e pickup den banda robes y bay cay riba caminda. Debi na e multiple impacto e chauffeur a resulta herida. Na yegada di e ambulans a bin compronde cu e porta di auto no por a habri y a pidi “materiale wagen” pa bini. Pero asina mes a logra habri e porta y a cancele.

E personal di ambulans a atende e victima y a transporte pa hospital.



K.I.A. DEN DECADENCIA WAK E MURAYA TA FOFO CAYENDO DEN OTRO



Un berguensa nacional cu K.I.A. unda tur detenido ta bay sinta nan castigo y

ta decayendo poco poco. Mester haci algo pronto si no presonan lo logra

huy na nan antoho. Actua awor ta mihor cu lamenta!



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - July 21, 2025

 Sorteo # 4687 3092 0078 3191  FP  Sorteo # 4687 9869  X3  Sorteo # 2743 6677  Sorteo # 4687 7921 Capricornio  Sorteo # 1561 801  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 265.000,-	 Sorteo # 0 x Jackpot 0 x Match 4 0 x Afl. 8,00	Proximo Jackpot 50.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 280.000,-	 Afl. 400.000,-		 Sorteo #	
 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 265.000,-									
 Sorteo # 0 x Jackpot 0 x Match 4 0 x Afl. 8,00	Proximo Jackpot 50.000,-									
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 280.000,-									
 Afl. 400.000,-										
 Sorteo #										

FORTALEZA PA FAMILIA

Scirbi pa Pastor Marcel Balootje.

FIELDAD TA E FUNDESHI Y STRUCTURA DI MATRIMONIO

Si no tin fieldad, anto e ora ey e matrimonio, no tin pia pa para riba dje, di acuerdo cu Dios su palabra den Genesis 2:24-25.

E grandesa di fieldad den matrimonio, ta cubri henter e familia, y ta sembra e union necesario, cu Dios ta demanda den tur hogar, pa asina Dios por derama di su bendicion. (Salmo 133).

No ta asunto di wak pariba of pabao, pero ta asunto di cumpli cu palabra y boluntad di Dios, den cual Dios ta bisa cu loke Dios a uni no laga ningun hende separa. (Mateo 19:6).

Hende mester ta masha cauteloso den duna consejo di divorcio, pasobra Dios a duna na nos tur e ministerio di reconciliacion, esey ta nifica, pa nos reconcilia hende cu Dios, husando e palabra di Dios como base, pa asina kibra e plan di destruccion di e enemigo y sembra pas di Dios den e hogar y alavez trece seguridad den e familia.

Mescos cu ora un auto

tin problema di motor, of un auto ta involvi den un accidente, nos ta hibe un mecanico serio, un garashi adecua, y bon equipa, pa e auto por wordo drecha, y keda den bon condicion.

Asina tambe ora e enemigo ataca nos matrimonio, nos ta uni como pareha y trece e asunto, dilanti di Dios.

Pasobra matrimonio ta di Dios y e miho mecanico pa matrimonio ta Dios, Pasobra Dios su palabra ta traha tanto den prevencion como den sanacion, y restauracion.

Awor ta conoci cerca nos tur cu ora hende papia di nan problema, hopi biaha nan a tuma nan decision caba, descabeya, caminda nan ta exclui pordon y bisa cu e asunto aki no tin manera pa drecha, y na e momento ey Dios ta drecha, ora nos acudi seriamente cerca Dios, y Dios ta restauara e situacion.

Infidelidad den matrimonio no ta solamente herida bo pareha, pero bo yuinan y tur familia cu a pone nan confiansa den e matrimonio, pesey hopi biaha familia ta keda na malo cu otro ora infidelidad matrimonial tuma lugar.

Pesey Dios a pone den Su palabra y Su principionan pa asina e matrimonio tin fundeshi solido, y evita buraco caminda e enemigo por drecha.

Efesionan 5:22-33 ta duna tur informacion necesario pa e matrimonio, por resisti e avance di maldad

cu ta move mundialmente, no lubida cu tentacion y inmoralidad, ta loer constantemente.

Asina esposonan mester stima nan esposa manera nan mes curpa: esun cu ta stima su esposa ta stima su mes. Pasobra nunca ni un hende no a odia su mes carni, ma ta alimente y ta cuide mescos cu Cristo tambe ta haci cu e iglesia.

Den esaki nos ta ripara cu e maltrato di pareha ta un desviacion completamente for di e palabra di Dios. Pasobra awendia tin hopi tipo di maltrato ta tuma



lugar den un matrimonio, e por ta fisico, e por ta verbal, e por ta mental, y hasta por yega asina leu di ta spiritual.

Pasobra si un hende den cas especialmente e homber of e muher ta liga den asuntonan di bruheria of santeria, of cualkier otro tipo di bagamunderia cu hende ta kere den dje, e ta expone su cas na spirito nan impuro cu ta bin tormenta hasta mucha inocente.

Y esey ta infidelidad na Dios, y na bo matrimonio, pasobra caminda demonjo ta domina, destruccion, division y separacion lo presenta. Pasobra e enemigo a bini solamente, pa horta, pa mata, y pa destrui. (Juan 10:10).

Sea firme den boso matrimonio, manteniendo fieldad tur momento, pasobra esey ta mandato di Dios,

Sinceramente, Pastor Marcel Balootje.



Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca dje. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaías y ora el a compronde el a wordo batista mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.